

永春縣志卷二十一

忠義傳

序曰傳稱國於天地必有與立所立者何立於親上死長不疚不惕之人心而已非幸致也夫必有愛民如子之心而後能使親而不貳有明恥致果之訓而後能使死而不撓志帥而氣隨之萬衆一心如臂使指非孫吳之術所能間商韓之法所能懾儀秦之說所能屈陶衛之封所能驚也故曰非聖智不能爲兵非仁義不能使民必死後勢迫利餌以冀僥倖者其勝偶耳非可以爲常也元盧公琦明柴公鑣及近代崔刺史洲皆筆研間書生耳非有韜鈴奇正之略堅城利器之資也而振臂一呼人

永春縣志

卷二十一

忠義傳

一

自爲鬪如報私仇強悍百戰之寇率死咋不能入尺寸何者忠義之性根於有生長民者結其心而養之於素故一旦變至置之鋒鏑燬火之地而如履衽席也蓬壺之陳坪上之鄭當宋元末造以耨鉏棘矜之衆捍虎視鯨吞之敵闔閭攫刃委尸如積迄於今日國殤之封猶可辨識予遺之裔能述其狀其事等於郭呂黃尤諸賢而烈過之百世而下聞其風者尙爲之飲血揮涕植髮指冠恨代阻域遙不得飲賀蘭之顛而發霽雲之矢濟東武之粟而飛疏勒之泉夫彼自殉其志耳豈嘗計一瞑之後有爲述其事而表其績封其墳而式其廬哉然不可遺者世與世相續而天性民彝之不可泯滅也而舊志義烈寇警編錄綦

詳且名重事複不一而足獨於陳鄭族殉始末曾未一涉筆焉將鼎革之際多所忌諱或恐生恩仇之見姑隱其迹後來者習而不察且憚更張遂聽其湮沒與要之紀夏后而遺艾靡傳死節而擯韓通譬諸撫星宿忘羲娥非細疵也故補敘崖略并舊所述爲忠義傳庶少資激勸焉其所不知蓋闕如也

宋至元

鄭振字叔亨

省志作亭叔

儒林里人景祐間進士慈之裔由永春徙

居安溪還集里武勇絕倫建炎中御營前軍將楊勅叛寇略郡邑有司命振以民兵禦之振力戰賊衆披靡一夕遁去紹興十三年羣盜曾少龍周老虎

省志作老龍

何白旗陳大刀等擁衆數萬

永春縣志

卷二十一

忠義傳

二

至帥司復檄振擊之賊憚其威名不戰而遁十六年詹鐵又復至出不意突入振里振遽出拒衆寡不敵手刃數十人沒於陣賊不知振死也退里人收其骸葬之安溪南斗山之原立祠祀之事聞賜額忠勇子一郎長孫巖淳熙戊戌登進士第官至集賢院副使次孫崙徙居仙遊隆興初判舒州金人入寇崙被執不屈死

舊缺省志列仙遊鄭氏譜世次及葬地并詳核據以補入崙事與史及省志稍參差故從略

黃東老

省志作顏東老

桃源里人寶慶間任武平盜發江閩承郡檄率

民兵進討與縣尉鍾百福俱臨陣戰死事聞官其子一人

陳士英常安里人寶祐六年山寇犯境率民三百人

省志作二百

鼓

行而前衆見賊多辟易士英獨掀髯奮擊力不支死之

卓子信安仁里人開慶元年寇薄境子信率民兵拒戰衆潰子信被擒賊惜其驍勇說之降不屈遂遇害事聞郡守吳昺先後表士英及子信門以旌其忠

蓬壺陳氏知柔及樸等族裔當宋季嘗一年中冠娶者百人時稱陳百房會端宗南奔而泉守蒲壽庚以郡叛降元陳氏自以世爲宋臣起兵勤王元遣兵攻破之夷其族其得免者改姓爲許久之徙他鄉乃稍有復姓者舊志缺據故老傳聞及陳秀才祥雲述補

鄭克智儒林里人振之族元至正間劇盜陳占據石谷浮空湖安諸山寨聚衆爲亂剽掠興泉諸郡縣官兵不能討克智與兄克仁克義克禮等以衣冠世族不肯附賊率族練鄉兵禦之賊

永春縣志

卷二十一

忠義傳

三

恚甚乃佯求撫於官與鄭族約會雲龍橋解仇釋兵而陰戒部黨伏兵器溪浦沙內期設誓後宴飲作難至期克智等皆不及防遂遇害同族三百餘人殉焉時二十年七月十六日也妻尤氏歸寧在母家聞變挈二子及從姪一人逃匿蓬壺白鶴砦後復徙安溪呂坪尋占爲陳友定大軍所滅未幾明定鼎二子乃還故里今東門鄭氏其後也據鵬翔鄭氏舊譜補三百人家在東門外溪田中可證

明

尤麟兒字輝道昇平里之蓬壺人雄毅有武略慷慨好施爲衆心所附正統間鄧茂七作亂沙縣遠近不逞者多起應之麟兒率鄉里子弟選驍健者百餘人聘郭榮六爲帥教以擊刺攻守

之法以近鄉白鶴山高而廣有險可守築爲砦高壘深溝聚糧食其中以爲緩急之備鄉邑賴之又廣儲蓄賑貧窮造蘇田種德諸石橋自蓬壺至石鼓山嶺重疊行路者患焉麟兒出資修砌往來人皆便之他所建造不可枚舉今蓬壺湯池其遺蹟也天順間應詔出粟八百斛賑饑賜冠帶據舊志懿行傳參軼聞補入

郭榮六民蘇里覆鼎山人也少習兵法智勇絕人正統間四境寇發尤麟兒練鄉兵禦寇以榮六素爲衆所畏服聘之使將遠近憚焉十四年鄧茂七將陳敬德來寇榮六帥衆逆戰小尤中大敗之榮六中流矢輿歸賊方走掠永春而謀者以榮六死告之賊大喜還趨小尤聚衆數千攻白鶴氣張甚謂必克榮六裹

永春縣志

卷二十一

忠義傳

四

創督戰賊大駭亟引去榮六尾其後復敗之賊遂遁是年八月賊大舉寇永春向小姑典史陳綬檄榮六禦之榮六計曰賊衆我寡當以智勝乃使官兵陳釘嶺東南而已引精銳從西北疾走穿賊中出嶺與官兵合賊易其少焚壘悉衆逐之至半嶺榮六反兵向賊賊止陳地窄不得成列榮六號衆曰機在是矣汝等但視吾所向乃引兵渡小坑直趨嶺下賊據高逆擊榮六斬一賊佯敗走賊追之過釘嶺橋榮六還蹙之官兵從東南繞出賊背急攻之皆殊死戰賊夾山谷間不得騁墜坑死者不可勝計餘皆爲官軍所擒斬聚尸如阜川流盡血者旬日十月復攻破賊壘於南安上塔前後凡十八戰皆捷自是賊相戒不敢犯

永春布政使

舊志作金某考省志正統間俱無其人闕疑

及知府熊尙初親臨獎勞

由正德至嘉靖寇患頻仍而永民以武勇聞盡力守死者接踵榮六之教也榮六竟以壽終子景二最知名 景二亦雄武饒膽略弘治十年漳寇溫文進入安溪景二率鄉兵守白芒坑賊聞風遁去正德初流賊掠莆田歸道出永春景二率輕兵邀之上畚大破之乘勝深入後援弗至遂戰沒從死者十二人

林德泰昇平里人膂力過人精火器晚行遇虎徒手搏之宿旅舍數盜排戶進皆擊之仆遂乞降弘治九年山寇李道隆亂德泰帥前降徒與官兵併力遂殲道隆又討滅巨寇韋一眼收還被擄男婦數百人正德十一年賊鄺獬再犯仙遊官兵未至德

永春縣志

卷二十一

忠義傳

五

泰偕魏昇等十餘人往援皆戰死

從省志補

潘學安仁里人秉性剛直諳武略嘉靖三年汀廣流賊寇德化當道檄七縣官兵禦之知縣柴鑣素知學智勇特加禮請學承命帥鄉兵破賊追至小尤中團擒斬無遺二十二年賊復寇安溪知縣陳瑀請學捕之時學已老矣奮志討賊竟沒於陳自嘉靖初元流賊肆擾諸鄉義士奮起從縣令守禦進討前後三年所俘斬魁黨不可勝計而義士之奮不顧身臨陣殞命者亦時有所聞考舊志南幢之戰死事者尤新五沈朝美杜榮茂廖時通陳乾瑞范文華凡六人赤水之戰死事者蘇端舉李成張周育蘇舜寧蘇甫進凡五人胡坑之戰死事者何廷燦陳朝宗張

瑤章吳璇義莊廷實蘇寵二朱祥逸凡七人其時爲八月丁亥
同月庚寅十二月辛丑其事皆在元年花石嶺之戰死事者鍾
旺輝一人覆鼎之戰死事者郭顯七郭惠四郭惠九陳德充林
啓九凡五人石鼓之戰死事者劉富旺一人其時爲元日癸卯
越五日戊申又同年八月其事皆在二年高坪之戰死事者蔡
玉智王元珍黃子孝陳顯清黃子明凡五人小姑之戰死事者
張元宗小尤中團之戰死事陳良各一人其時皆在三年十月
據史于光義烈祠記稱三十五人而郭景二潘學之死前後相
去數十年榮六智略功名雖當代之最而未嘗殞於陳恐當時
記錄尙有遺誤也善乎林次崖之論也曰予至永春見人誦榮

永春縣志

卷二十一

忠義傳

六

六之事千百如出一口曰永春之民當日不魚肉不陷於賊者
榮六之功也予聞而嘉歎不已方沙寇煽亂七泉從賊如崩榮
六草茅匹夫乃能保完鄉井使闔邑生靈奠安衽席厥功不亦
大哉景二膽略過人以身殉國可謂無愧乃父矣獨怪國家養
兵百年統袴之子奕世簪紱緩急不能得力而匡時勘亂乃出
於廛民不愧死與次崖之意如此及觀潘學新五等之事又以
見柴公之得民而守令之賢其關於國家者大也

劉君盟及君益俱昭善里人致仕訓導龍之從子當嘉靖季倭
寇猖獗晉江賊首謝愛夫南安賊褚鐸等剽掠郡邑而蓬壺匪
酋呂尙四復聚衆應之黨與近萬人內外交訐知縣萬以忠林

萬春相繼皆庸材非擁兵自衛則委城遁匿甚至信賊間爲囚
虜獨龍與同里致仕長史蔡鍾鄰里致仕學錄陳嘉謨練鄉兵
禦之以君盟及嘉謨子克就俱有勇略推爲統帥而君益尤精
悍善戰時出兵擒賊援城典史侯爵及訓導呂嶽相繼專城守
事俱倚以爲重賊攻城慮爲後患屢脅之曰我不攻砦汝反攻
我汝鳴一螺我卽燒一屋龍等應之曰廬有所不顧城有所必
守其義概如此餘見大事記君益擅技擊蓋六十歲始得子云
李中和號野塘和平里人幼警敏好讀書琴棋書畫皆工而不
喜治舉子業喜結客自構亭館日坐其中邀同志游藝各競其
技或飲酒賦詩留連旬日不厭也爲人白皙美鬚髯每出從一

永春縣志

卷二十一

忠義傳

七

騎白袍青笠人望之若仙倭寇亂中和初避之郡城會寇擾旁
郡中和乘間回田里俄復聞寇警中和欲行里人環而留之羅
拜且泣曰公弗圖吾輩無噍類矣許之乃集里人結砦昆侖自
出金備樓櫓戰守選驍健自教之坐作擊刺衆皆踴躍樂從縣
城急有賊別部自南安來欲與攻城之賊合中和望見之號其
衆曰賊易與耳乃據隘設伏以待賊至伏發急擊之盡獲其黨
捷聞呂嶽驚且喜曰吾以全邑之衆不能解圍李生乃能以耕
夫破賊奇哉是時賊蹤徧山谷中和所獲賊置砦中慮生變乃
戮其渠魁而釋其脅從虜獲者皆資遣不留一人由是賊往來
皆不敢過太平以勞卒砦中哭十餘日不絕聲其得人心如此

城圍解林萬春自賊中回呂嶽聞中和禦賊始末喟曰李生俘獲多不俟亂定獻功盡殺之殆得其奇貨也不死予且甘心萬春曰人有奇功縱生又奚罪焉然心實嘆之里人狀其績請立祠不許黃克晦素與中和交誼甚篤爲之銘其墓文存舊志無志銘補惟甘心句似過嶽賢者似不至此

黃光甫清白里之湖洋人嘉靖季倭寇猖獗光甫團結民衆據湖洋諸隘嚴兵自衛以故湖洋被被差希旣而廣東賊陳紹祿由安溪入寇陷雙魚砦遂進掠湖洋光甫率衆迎戰破之塗橋賊遁德化復追至石牛破之紹祿求降於德化知縣張大綱光甫等之力也旋復應知縣謝裘之召統各鄉兵追破仙遊叛賊

永春縣志

卷二十一

忠義傳

八

蘇校等於錦斗窮追至安溪滅之倭賊來犯湖洋光甫復帥衆大敗之自是賊氛遂靖光甫勇而有謀略得衆心身經數十戰未嘗挫衄其時諸鄉義士起兵拒寇者自光甫及劉君益兄弟陳克就外若李子元顏鉅卿林鐸尤萬原蘇繼元皆數有戰功其先後力戰陣沒者尤濂許時佐王時成陳通王邦遂林德順沈佛居黃元復吳世可王邦璧劉必祉林以成楊欽恩黃純福王邦遂魏于守李學任李國宣張四子王玉真朱士登許養子莊以信顏綿五王國華黃道謹黃元六郭興俊王邦泰凡二十九人

顏鉅卿慕仁里人尙義急公永春城舊無雉堞當事謀築之鉅

卿奮身襄役賊酋謝愛夫瞰城初完結倭賊數千來攻鉅卿佐訓導呂嶽竭力守禦相持二十餘日卒破走之未幾卒知縣林萬春爲文以祭親自哭奠有汝獨死於賢勞之句又嘗置義冢以瘞暴骨邑人咸欽其義云其裔在上場堡今尙盛

李子元名勃生以字行和平里人生平輕財尙義有國士風圍城之役子元散家財募義兵拒守萬安寨爲城聲援賊掠留灣子元率寨兵擊之旣又與黃光甫覆賊於陳嶺大敗之斬獲數十人賊死戰突圍走自是氣始索旋遁去城賴以全

謝璉字宗器福德里人慷慨重義嘉隆間山寇竊發肆掠鄉村田畝頓荒苦饑連年璉散家財以賑貸民得保業賴以完聚者

永春縣志

卷二十一

忠義傳

九

衆呂尙四藉辦團希圖不軌以璉爲鄰里所懷服欲脅爲助璉拒之度力不能制去之桐城及尙四敗餘黨肆橫璉首奉檄直入賊穴具陳利害皆感動投戈出降保全無算安溪林琅帥兵勦寇濫拘平民二十四人有司欲置諸法璉廉得其寃爲辨釋之後璉享年八十有七恩賜壽官

清

黃宏讓光甫孫也雄毅有祖風順治間閩疆未定不逞之民多藉興復爲名而行同流賊民不聊生十九都人陳邦哲等乘機肆亂攻陷湖洋月城二堡戕殺士紳宏讓集民兵擒邦哲斬之降輯其衆地方以靖後舉甲午武科改名黃達

呂華昇平里人順治間爲六七都練總十一年冬鄭成功鎮將黃愷入永藉派餉爲名所至剽掠衆莫敢撓獨華率鄉里子弟據馬跳砦禦之愷等不能克遁去康熙十三年耿精忠反委僞知縣鄭時英入永華不爲屈時英以大隊圍攻八閱月糧盡援絕賊乘之入砦陷華及弟美成姪廷佐俱被執遇害

李士衡字于裘開藻孫也爲諸生慷慨有大志康熙十七年鄭經將劉國軒入漳泉遣別將黃蓋自南安犯永春士衡以材武被推爲練長將輕銳出小姑禦之伺隙穿其營殺三人而還士衡兵無一傷者前後苦戰殺賊甚衆蓋遁去七月國軒復遣兵來攻城被圍知縣王寶善跳赴福州請援士衡亦敗將餘衆走

永春縣志

卷二十一

忠義傳

十一

仙遊途遇巡撫吳興祚之師導之入永興祚重其才留之幕府預策畫士衡傾家濟饗時敵據城月餘矣援軍至一戰大破之擒馘無數敵夜遁遂進會諸道軍解泉州圍敘功授都司興祚嘗稱其胸中有數萬甲兵李光地與通譜前後抗禦耿鄭士衡與有力焉出鎮仙遊告歸終於家

舊志參行狀補

孫夏彝字天霖儒林里諸生順治初與弟夏瑚自惠安徙永春因得藏鏹成巨富夏彝兄弟積而能散人心歸焉康熙間耿鄭亂夏彝以人望舉爲練長與李士衡王闡仲林膚功潘爲霍林遠顏祥林時英諸士紳各率鄉兵備戰守勞績甚著僞宰葉錫蕃虜諸人家屬送寘廈門爲質脅之降不顧也賊退敘功以士

衡爲首闡仲次之夏彝等皆獎擢有差初夏彝嘗以事往漳州爲鄭成功所獲聞其兄弟名德善待之勸之仕辭命助饟諾之遣使入永夏瑚以兄故舉五千金授之因欲觀成功爲人從之行至中途會成功邀夏彝博成功負逾其數遽免所輸送之歸兄弟相遇夏彝告之故欲勿與夏瑚曰不可永抵廈往還數百里貲所以得達爲衛也今徒手而以此纍纍者還徒爲寇資耳徑致之成功大喜禮宴之詢世業知旅賈乃授之徽識往來山海皆無阻不數年富數倍其舊夏彝子士濟任汀州訓導士灝乾隆初歲貢生夏瑚子士瀾武進士自有傳士洙仙遊教諭羣從子姪文煥自超雲鴻芳時皆舉人孫氏遂爲永望族 臥雲

永春縣志

卷二十一

忠義傳

十一

子曰予聞之故老也云馬跳之守賊盡銳攻之華等亦乘間出襲擊前後死者無算及砦陷賊欲悉男女阬之美成廷佐大呼曰不降者吾父子也衆何罪乃斬華而生致美成廷佐於郡寸磔之無完骸及耿鄭敗聖祖遣官致祭其文曰哀我義士爲國捐生英靈不朽長爲國楨其舍生取義之概隔千載而如見也舊志不察猥以屈降讎之昌黎所謂設淫辭而助之攻與士衡夏彝等亦幸而獲濟耳使落賊手豈有完理要之其心固華等之心也故連類敘之庶使彥章仁贍之倫並無憾於泉壤云潘申安仁里之達埔人嘉慶間爲九龍把總殉土寇之難事聞詔恤廕如例子國樑歷任同安沙溪石頭汛亦以能其職著

顏瑞祥溪西人咸豐初徙居永安慷慨有材略市民服之推爲
甲首時四境多虞瑞祥練兵捍禦勞績甚著知縣金穀生重倚
之會土豪黃友謀以上遊應林俊矚永安無備潛師襲之匪衆
數千突至西洋瑞祥聞警帥所部禦之馬隴橋力戰數時殺敵
數十人援軍不至死之城鄉兵稍集復戰匪敗走城賴以完事
聞照六品軍官陣亡例賜祭葬追贈雲騎尉祀之延平昭忠祠
時咸豐癸丑六月也子揚襲爵弟瑞振亦才武衆舉以代瑞祥
金穀生召見慰勞之談及兄死事皆泣下丙寅破流寇三千於
西洋丁卯以事詣福州歸至洪山橋爲匪所圍戰死事聞詔贈
恤如例瑞振死後永安復被寇官軍擊之匪敗走見有帥兵要

永春縣志

卷二十一

忠義傳

十三

歸路者遂反奔中伏禽滅之訊所獲匪言皆同然其地實無兵
詢之士人蓋昔日瑞振戰死處也衆以爲神立祠祀之並塑其

兄弟像焉

據行狀補

鄭金城儒林里人鄭開仕昭善里皆諸生世居東門爲近治大
族咸豐初林俊反永民及旁縣多應之惟近治諸大姓周顏林
邱皆不服金城開仕因之率其族與前溪周嘉徵上場顏龍光
顏必魁產賢林慶颺西頭邱公立等各士紳辦團捍禦知州事
崔洲倚之如右手甲寅六月初四日城爲俊所襲破官徒迸
散崔洲倉皇走東門外土堡匿焉俊黨索之急東門西頭兩姓
兵聞警先至擁護之泉州援軍至東關兩姓鄉團帥東方民軍

導之諸鄉兵畢會遂大戰長驅入州城前鋒抵衙署遇俊兄倫於大堂之外擒斬之俊狼狽而遁出北門過大鵬大羽諸村村民復截擊俊僅以身免是役也城陷僅三時而復金城等之力也崔洲嘉其功題額以贈曰衆志成城周顏諸姓及前後有功人員各獎敘有差開仕初負才試不售後以禽斬俊驍將邱獅保六品軍功換文階歷松溪連江等縣教諭慶颺龍光嘉徵自有傳惟必魁軼其行事

邱公立名言以字行起農圃不甚知書質強毅爛武略林俊之難公立任東區團練局長率邱族子弟自爲一營號虎勇每戰身先士卒摧鋒陷陣軍鋒爲諸鄉兵冠左宗棠督閩聞其名召

永春縣志

卷二十一

忠義傳

三

見將擢用之會病卒初公立與俊父武舉捷雲交厚俊謀亂捷雲縛以送官者三故時論多謂父子罪不相及俊舉事捷雲走匿僧寺中其地絕險遠時捷雲蓋與俊絕擬披緇以終老矣而當事者慮其爲後患遣公立帥兵捕之至山僧衆欲據險以拒捷雲不欲累佛地且以素不護子惡宜末減因止僧衆曰公立吾故人也出見竟禽之以獻殺之時謂其貪功賣交議者多以此訾焉子孝添武生